



Aalisarnermut Piniarnermullu Naalakkersuisoq

[/apn@nanoq.gl](mailto:apn@nanoq.gl)

Ulloq: 01-11-2024

J.nr.:01.36.01.29-00309

Naalakkersuisunut allakkatigut apeqqutit

Matuma kinguliani allassimasut akissuteqarfigineqarnissaat Aalisarnermut, Piniarnermut Nunalerinermullu Ataatsimiititaliamit kissaatigineqarpoq:

1. Inuussutissarsiorluni aalisartoq, inuussutissarsiorluni piniartoq inuussutissarsiorlunuunniit nunalerinermik ingerlatsisoq qinnuteqarneq sioqqullugu ukiuni pingasuni isertitaqarsimassasoq 1) ukiumut agguaqatigiissillugu 250.000 kr.-nik ataallugilluunniit, aamma 2) agguaqatigiissillugu 100.000 kr.-nik ataallugilluunniit nalilinnik pigisaqassasoq aallarteqqinnissamut tapiissutinik tunniussinissamut piumasaqaataanissaa UKA2024/24-mi siunnersuutigineqarpoq.
 - a) Isertitanut tunngaviusup annertunerpaaffissaa 500.000 kr.-inut annertusineqaraluarpat qanoq kinguneqassava?
 - b) Isertitanut tunngaviusup annertunerpaaffissaa atorunnaarsinneqaraluarpat qanoq kinguneqassava?
 - c) Nalilinnik pigisat annerpaamik 100.000 kr.-iunissaat atorunnaarsinneqaraluarpat qanoq kinguneqassava?
 - d) Naalakkersuisut suliamut atatillugu soqutiginarsinnaasunik allanik paasissutissiisinnaappat?
2. UKA2024/48 pillugu apeqqutit:
 - a) Siunnersuummi najugaqartussaataitanermut piumasaqaatip ukiunit marlunniit ukiunut tallimanut sivitsorneqarnissaa, "Den Europæiske Menneskerettighedskonvention (EMRK)" naapertorlugu arlaatigut sumilluunniit kalluaaffeqanngila?
 - b) Siunnersuutip isikkorpiaa allangortinnagu maannakkut Inatsisartut akuerippassut, Naalakkersuisut nalornissuteqanngiivittumik "Den Europæiske Menneskerettighedskonvention (EMRK)" kalluaatinngivissortussatut apeqqusiisussaannngitsutullu nalilerpaat?
 - c) Naalakkersuisut naapertorlugit, "Den Europæiske Menneskerettighedskonvention (EMRK)", inatsisillu allat atuuttut naapertorlugit kalluaatsinnagillu, inatsisitigut najugaqartussaataitanermut piumasaqaatinik qaffanneerpaaffissamik ukiut qassinik inissiisoqarsinnaatitaava?


Apeqqutinut siuliani allassimasunut allakkatigut akissutit (kalaallisut danskisullu) sapinngisamik piaarnerpaamik tiguneqarnissaat ataatsimiititaliamit qinnutigineqarpoq. Akissuteqaat qarasaasiakkut ataatsimiititaliap allattaanut (aarth@ina.alla.gl) aammalu Inatsisartunut (inatsisartut@inatsisartut.gl) nassiuteqquneqarpoq.

Apeqqutit siuliani allassimasut – nipangiussisussaaneq eqqarsaatigalugu – oqaasinngorlugit akineqartariaqartut Naalakkersuisut nalliippata, tamanna sapinngisamik piaartumik nalunaarutigeqquneqarpoq, tassungalu ilanngullugu ilisimatitsiffiusumik ataatsimiinnerujunnartumut ulluliussassatut siunnersuuteqarluni.

Qujareerlunga,

Aalisarnermut, Piniarnermut Nunalerinermullu Ataatsimiititaliaq sinnerlugu

Inussiarnersumik inuulluaqqusillunga



Kristian Jeremiassen

Ataatsimiititaliap siulittaasua



Aalisarnermut, Piniarnermut Nunalerinermullu Ataatsimiititaliaq att: Kristian
Jeremiassen
Inatsisartut
E-mailikkut ukununga nassiuqqarpoq aarth@ina.alla.gl aamma
inatsisartut@inatsisartut.gl

Apeqqutit 1. november 2024-meersut

UKA2024/37 aamma UKA2024/48 pillugit apeqqutit ataaniittut akineqarnissaannik
ataatsimiititaliap ulloq 1. november qinnuigaanga.

Dato: 07-11-2024
Sags nr.: 2024 - 7397
Akt. nr.: 24755385

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

1. Inuussutissarsiorluni aalisartoq, inuussutissarsiorluni piniartoq
inuussutissarsiorluniluunniit nunalerinermik ingerlatsisoq qinnuteqarneq sioqqullugu
ukiuni pingasuni isertitaqarsimassasoq 1) ukiumut agguaqatigiissillugu 250.000 kr.-nik
ataallugilluunniit, aamma 2) agguaqatigiissillugu 100.000 kr.-nik ataallugilluunniit
nalilinnik pigisaqassasoq aallarteqqinnissamut tapiissutinik tunniussinissamut
piumasaqaataanissaa UKA2024/24-mi siunnersuutigineqarpoq.

a.

Isertitanut tunngaviusup annertunerpaaffissaa 500.000 kr.-inut
annertusineqaraluarpat qanoq kinguneqassava?

1 pillugu)

Siunnersuummi § 2, imm. 1-imi malittarisassat atuuttut ingerlateqqinneqarput, tassani
inuussutissarsiorloq inuussutissarsiummi atuuttut nalinginnaasut aallaavigalugit
inuussutissarsiummi pineqartumi sillimmat nalinginnaasutut isigineqartariaqartoq
atorlugu sillimmasersimanissaa piumasaqaataavoq.

Siunnersuummi § 2, imm. 2-mi (nalilinnik pigisaqarnissamik piumasaqaamma)
ingerlatsisoq sillimasersimanngippat ingerlatsisut sillimasernissamut pisariaqartunik
anigaasaateqanngitsut taperserniarlugit inuussutissarsiummillu ingerlatsinnarnissaq
qulakkeerniarlugu aallarteqqinnissamut tapiissuteqarnissaq periarfissinneqarpoq.

Soorlu siunnersuummut nassuiaatini allaqqasoq, aallarteqqinnissamut tapiissutit
sillimasiiffinni unammilleqatigiinnermik ajoqusiissanngilaq, tak. Unammilleqatigiinneq
pillugu Inatsisartut inatsisaat (unammilleqatigiinnermut inatsit). Tamassuma kinguneraa,
aallarteqqinnissamut tapiissutit sillimasiissutini aalajangersimasumut sillimasiisarfimmi
pineqartumi nammineq sillimasiinissamut allatut periarfissaassanngitsoq.

Siunnersuummi § 2, imm. 2 sillimateqarnissamik piumasaqaat atuutsinneqanngilaq
aammalu ingerlatsisut killilinnik anigaasaateqartut sulili aalisarnermik
inuussutissarsiteqartut il. il. ajoquserneq aallarteqqinnissaq pillugu inatsimmi ilaappat
ingerlaannarnissaat qulakkeerniarlugu ilanngunneqarnikuulluni.

Aalajangersagaq peerneqarput, allatut periarfissaassaaq, ingerlatsisut tamarmik
sillimateqassasut ajoqusernerlu sillimmammit matussuserneqarsinnaassappat
aallarteqqinnissamut tapiiffigineqarsinnaassanngitsut.

b. Isertitanut tunngaviusup annertunerpaaffissaa atorunnaarsinneqaralarpat qanoq kinguneqassava?

b pillugu)

Apeqqut A-mut akissut innersuussutigineqarpoq.

c. Nalilinnik pigisat annerpaamik 100.000 kr.-iunissaat atorunnaarsinneqaralarpat qanoq kinguneqassava?

c pillugu)

Apeqqut A-mut akissut innersuussutigineqarpoq.

d. Naalakkersuisut suliamut paasissutissiisinnappat?

d pillugu)

Naalakkersuisut allanik paasissutissaateqanngillat.

2. UKA2024/48 pillugu apeqqutit.

Aallaqqaasiullugu oqaatigineqassaaq Naalakkersuisut naliliisut, siunnersuutip suliarineqarneranut atatillugu nalunaarutikkut Inatsisartut inatsisaanni atuuttumi piginnaatitsisumik atuuttussanngortitsinani siunnersuut Inatsisartunut saqqummiunneqassasoq. Tamassumunga pissutaavoq, piniarneq aallaaniarlu Inatsisartut inatsisaanni piniarnermik inuussutissarsiummi piniarnermut aallaaniarnermullu tunngaviusumik sinaakkutit aalajangersarneqarnikuunerat, najugaqarnissamillu piunasaqaat piniarnermik inuussutissarsiummi inuussutissarsiorsinnaatitaanermik killiliinernut isigineqarsinnaanera, taamaammat inatsisikkut allanngineq inatsisiliortunillu sukumiisumik suliarineqarnissaa pitsaanerussalluni.

Naalakkersuisut aamma Kalaallit Nunaata nunat tamat akornanni pisussaaffii, tassunga ilanngullugit pingaartumik ILO-mi isumaqatigiissut nr. 111 aamma Naalagaaffiit peqatigiit aningaasaqarnermi, inuttut atukkatigut kulturikkullu piginnaatitaaffiit pillugit isumaqatigiissut, naapertorlugit inatsimmik allannguinissaq isumaliutiginikuaat.

ILO-mit isumaqatigiissummi nr. 111-imi inuiannit sorlernit pinngortuuneq, amqip qalipaataa, suaassuseq, upperisaq, politikikkut isummat, nuna pinngorfik inuttullu atukkatigut pinngorfik tunngavigalugit assigiinngisitsinissaq inerteqqutigineqarpoq. Isumaqatigiissummi tassani pineqartoq tassaavoq, naligiimmik periarfissaqarnissap, assigiinngisitsinani suliffeqarnermi inuussutissarsiornermilu iliuseqarfigineqarnissap qulakkeernissaat. Najugaqarnissamik piunasaat taamaallaat allamiunut inunnulluunnit Kalaallit Nunaanni aalajangersimasumik najugaqanngitsunut atuuppat, kinnaassusersiorani sukaterineq naleqquttumik tunngavilersornagu, nunamit sumit pinngortuuneq tunngavigalugu toqqaannanngitsumik assigiinngisitsinertut isigineqariaannaavoq.

Naalakkersuisut naliliipput, najugaqarnissamik piunasaqaat assigiissitsinerusoq inatsisitigullu akuerisaasumik siunertaqarfiusoq, tassa akiliisitsilluni piniarnermik aaqqissuisartut najukkami, pisuussutinik piniarnermilu piujuartitsinissamik tunngaviit sukumiisumik ilisimasaqarnissaat qulakkeerneqarmat, taamaalilluni naleqquttumik nunatsinnilu piniagassanik nungusaataanngitsumik atuinissaq suliffissaqartitsinermillu

mianerinnissaq, piniarneq aallaaniarnerlu pillugit Inatsisartut inatsisaanni ilaasut malinneqassallutik. Taamaammat piumasaqaat ILO-mi isumaqatigiisummi sinaakkutinut tunngatillugu illersorneqarsinnaasutut isigineqartariaqarpoq.

Aningaasaqarnermi, inuttut atukkatigut kulturikkullu pisinnaatitaaffiit pillugit Nunat Peqatigiit isumaqatigiisutaanni artikili 2.2-mi inuiannit sunit pinngortuuneq, amqip qalipaata, suaassuseq, oqaatsit, upperisaq politikikkut allatulluunniit isumaqarneq, nunamit sumit inuttullu atukkagut pinngorfeqarneq, pigisat, inunngorneq allatulluunniit inissisimaneq isumaqatigiisummi pisinnaatitaaffinnut akuerineqartunut tunngatillugu assigiinngisitsinissaq inerteqqutigineqarpoq, aamma artikili 6.1-imi suliffeqarnissamik pisinnaatitaaffeqarneq aalajangersarneqarpoq tassunga ilanngullugu inuup inuussutissarsiuissatut killilersorneqarani toqqagaa akuerisaaluunniit, naalagaaffillu pisinnaatitaaffiup taasuma tamakkiisumik piviusunngortinnissaq qulakkeerniarlugu naleqquttumik iliuuseqarnissamik pisussaaffilerneqarluni.

Naalackersuisut tassunga atatillugu naliliipput, najugaqarnissamik piumasaqaat assigiisitsinerusoq inatsisitigullu akuerisaasumik siunertaqarfiusoq, tassa akiliisitsilluni piniartitsinermik aaqqissuisartut pisuussutit illersornissaannik pikkorinnerulernissaasa qulakkeernissaannut sakkoq naleqqummat pisariaqarlunilu aamma piniarnermik akisussaassuseqartumik aqutsinissaq qulakkeerneqarluni, taamaammat artikili 2.2 malillugu assigiinngisitsinissamik inerteqquteqarneq unioqqutinneqanngilaq.

- a. Siunnersuummi najugaqartussaataitanermut piumasaqaatip ukiunit marlunnit ukiunut tallimanut sivitsorneqarnissaa, "Den Europæiske Menneskerettighedskonvention (EMRK)" naapertorlugu arlaatigut sumilluunniit kalluaaffeqanngila?

a pillugu)

EMRK-mi inuussutissarsiornissamik piginnaatitaaffeqarneq illersorneqarpoq aammalu inuttut inuusumut pigisanullu pisariaqanngitsumik akuliutinnginnissaq qulakkeerneqarluni, tak. artikili 8 aamma Isumaqatigiisummut tapiliussami nr. 1-imi artikili 1. Najugaqarnissamik piumasaqaat EMRK-mut naleqqutissappat, tunngaviusumik piumasaqaatit marluk eqqortinneqassappat.

1. Inatsisini akuerisaasumik assigiisitsineq: Piumasaqaat akuerisaasumik siunertaqarfiussaaq, tamassuma kingunererajuttarpaa tamanut pitsaaqutit mianerineqarnissaat, soorlu avatangiisinik illersuineq, najukkami aningaasaqarneq inuiaqatigiilluunniit soqutigisaat.

2. Assigiisitsineq: Akuliunnermi assigiisitsinissaq mianerineqassaaq, tamanna kinguneqarpoq najugaqarnissamik piumasaqaammi siunertamut anguniarneqartumut pisariaqartuunissaa naleqquttuunissaalu. Najugaqarnissamik piumasaqaammi siunertaq iliuuseqarneq killilersuiffiunnginnerusoq atorlugu anguneqarsinnaappat, piumasaqaat ingasattajaarnertut isigineqarsinnaalissaaq.

Naalackersuisut tunngaviit taakku tunngavigalugit naliliipput, siunnersuut EMRK-mut naleqquttoq, tassa najugaqarnissamik piumasaqaatip annertusinera aaqqissuisut Kalaallit Nunaanni pissutsinik piniarnermilu piujuartitsinissamik sukumiisumik ilisimasaqarnissaasa qulakkeernissaanik tunngavilersorneqarmat. Naalackersuisut ukiunit tallimani najugaqarnissamik piumasaqaammi siunertap anguneqarnissaanut pisariaqarnera piumasaqaatillu killilersuiffiunnginnerusut atorlugit

anguneqarsinnaanginnera inatsisissatut siunnersuummi tunngavilersuutigaat, Naalakkersuisullu naliliipput piumasaqaat EMRK-mut naleqquttoq.

b. Siunnersuutip isikkorpiaa allangortinnagu maannakkut Inatsisartut akuerippassut, Naalakkersuisut nalornissuteqanngiivittumik Menneskerettighedskonvention (EMRK) "Den Europæiske Kalluaatinngivissortussatut apeqqusiisussaangitsutullu nalilerpaat?

b pillugu)

Naalakkersuisut naliliipput, siunnersuut maannakkutut isikkoqartillugu EMRK-mut akერიussanngitsoq, tassa najugaqarnissamik piumasaqaammii piujuartitsilluni aqutsineq pisuussutinillu akisussaassuseqartumik atuineq pillugit inatsisitigut akuerisaasumik anguniagaqarneq malinneqarmat. Inatsisissatut siunnersuummi tamassuma saniatigut Kalaallit Nunanni pinngortitami kulturikkullu pisuussutit pisariaqartumik illersorneqarnissaat qulakkeerneqarpoq aammalu piffissami sivisuumi aalajangersimasumik atassuteqarnikkut najukkamik ilisimasaqarnissamik piumasaqaat taperserlugu.

c. Naalakkersuisut naapertorlugit, "Den Europæiske Menneskerettighedskonvention (EMRK)", inatsisillu allat atuuttut naapertorlugit kalluaatsinnagillu, inatsisitigut najugaqartussaataitanermut piumasaqaatinik qaffannerpaaffissamik ukiut qassinik inissiisoqarsinnaatitaava?

c pillugu)

Ataatsimut isigalugu isumaqartoqarpoq najugaqarnissamik piumasaqaatip sivissusua EMRK-mi killilerneqanngivissoq, tassani siunertaq aalajangersimasoq ataqatigiinnerillu apeqqutaammata. Ukiunik tallimanik piumasaqat EMRK-mi assigiisitsinissamik tunngavik eqqortinneqarpat siunertarlu anguniarlugu pisariaqartumik uppersarneqarpat Naalakkersuisut naliliinerat malillugu naleqquppoq. Assersuutigalugu ukiunik qulinik piumasaqarneq uppersaanissamut pisariaqartitsineranillu tunngavilersuinissamut sukannernerusunik piumasaqarnissamik kinguneqariaannaavoq. Naalakkersuisut naliliipput, ukiut tallimat sukannerpallaanngitsoq sivissusualu tunngavilersorneqartoq, tamannalu najukkamik ilisimasaqarnissamik piniagassanillu piujuartitsilluni aqutsinissamik kissaatinut naapertuuttut nalilerneqarpoq.

Inussiarnersumik inqulluaqqsillunga



Kim Kielsen

Aalisarnermut Piniarnermullu Naalakkersuisoq